

ISTANBUL

NOVA GODINA

5 NOĆENJA SA DORUČKOM
PEGASUS AIRLINES
29.12.2022. - 03.01.2023.

PROGRAM PUTOVANJA:

1. Dan, (29.12.2022 - Četvrtak) SARAJEVO – ISTANBUL

Sastanak putnika na aerodromu dva sata prije leta. Nakon što obavimo proces prijavljivanja na let i predaju prtljaga, letom u 15:25 h sa kompanijom Pegasus Airlines polazimo za Istanbul. Dolazak je planiran u 19:15 h po lokalnom turskom vremenu. Organizovan transfer do hotela i smještanje grupe. Slobodno vrijeme i noćenje.



2. Dan (30.12.2022 - Petak) OBILAZAK GRADA – TOPKAPI PALATA – KAPALI ČARŠIJA

Doručak. Drugi dan je planiran za upoznavanje sa najstarijim dijelom Istanbula, mjesto gdje je kralj Vizas sa svojom vojskom osnovao grad Vizantion 657.godine p.n.e. Slijedi fakultativno razgledanje najvažnijih znamenitosti: Čemberlitaš trg koji je nekad bio ukrašen Konstantinovim spomenikom, turbe sultana Mahmuta II, Sultanahmet trg, nekadašnji Hipodrom gdje su se održavale utrke dvokolica, obelisk Konstantina Porfirogenita, Zmijski stub i Teodosijev obelisk, Plava džamija, Rokselanin hamam.

Za kraj ovog izleta smo ostavili Aja Sofiju, monumentalnu građevinu koju je izgradio car Justinijan i koja svakog posjetioca ostavi bez daha.

Nakon pješačke ture, planirana je fakultativna posjeta Topkapi palati. U ovom kompleksu su sultani stolovali sve do 1856.godine kada je izgrađena Dolmabahča palata.

Topkapi palata je mjesto gdje je živjelo i radilo više od 4000 ljudi, površine 700 000 m2 i izgrađena od strane Mehmeda II Osvajača, čovjeka koji je uspio pokoriti Konstantinopolj.

Carska kapija, Dvorište janjičara, crkva sv.Irine, Divan kabinet, riznica, kolekcija oružja i harem (ulaznica se doplaćuje za ovaj dio) su samo neki od razloga zašto posjetiti Topkapi palatu.

Nakon obilaska kompleksa Topkapi, slobodno vrijeme za individualne aktivnosti i šoping u najpoznatijoj zatvorenoj tržnici svijeta, čuvenoj Kapali čaršiji koja se ponosi sa 4000 prodajnih objekata. Povratak u hotel. Noćenje.

3. Dan, (31.12.2022 - Subota) SULEJMANIJA – MISIR ČARŠIJA – EMINONU – PIERRE LOTTI – EYUP ČETVRT

Doručak. Polazak na fakultativni izlet tokom kojeg ćemo vidjeti remek djelo arhitekture, grandioznu džamiju Sulejmaniju u čijem sklopu se nalazi turbe sultana Sulejmana Veličanstvenog, njegove najveće ljubavi Hurem ali i čovjeka koji je bio najmoćniji graditelj Osmanske Imperije, Mimar Sinana. Jedan od najljepših pogleda na Galata most i Zlatni Rog vas očekuje upravo na ovoj lokaciji.

Laganom šetnjom nastavljamo do Egipatskog bazara (Misir čaršije). Hiljade različitih začina, sušeno voće, sirevi, rahat lokumi, baklave, orašasti plodovi, stotinu vrsta čajeva i još mnogo drugih vrsta jestivih proizvoda iz cijelog svijeta nas očekuje na policama prodavnica u Misir čaršiji.

Slobodno vrijeme do polaska prema vidikovcu Pierre Loti. To je destinacija koju morate posjetiti u ovom multimilionskom gradu. Pierre Loti je bio poznati francuski putopisac koji je obožavao Istanbul i koji se divio inspirativnom pogledu na ovom uzvišenju. Kafić u kojem je volio provoditi vrijeme će kasnije dobiti ime upravo po njemu. Danas atrakcija za turiste, lokal se ponosi crveno-bijelim stolnjacima i nestvarnim pogledom na Zlatni rog. Slobodno vrijeme u četvrti Eyup. Povratak u hotel, odmor i pripreme za doček Nove godine.

Doček Nove godine je planiran na jednom od trgova Istanbula gdje ćemo uživati u prazničnoj atmosferi, vatrometu i slavlju koje će organizovati grad (Sultanahmet, Taksim, Ortakoy ili neka četvrta opcija, izbor zavisi od gradskih vlast i odluke na kojoj lokaciji će biti oficijelna manifestacija).

4. Dan (01.01.2023 - Nedjelja) KRSTARENJE BOSFOROM – DOLMABAHCİ – ORTAKOY + AZIJA

Doručak. Nakon doručka idemo prema luci Kabataş odakle ćemo krenuti na fakultativno krstarenje Bosforom. Jedan od najljepših načina za upoznavanje grada na dva kontinenta je upravo plovidba Bosforom.

Saznajte kako je Zlatni rog dobio svoje ime, kako su gradili aristokratske jaliye, kako je Mehmed II Osvajač nadmudrio svoje protivnike i izgradio Rumeli Hisar tvrđavu, poslušajte legendu kako je sultanova kćerka izgubila život i po kojoj je Djevojačka kula dobila ime, slikajte raskošne kvartove Beşiktaş, Arnavutkoy i još mnogo toga.

Po završetku krstarenja, planirana je fakultativna posjeta palati Dolmabahçe, rezidenciji sultana od 1856.godine pa sve do 1924.godine kada je ukinut taj sistem vladavine. Da bi shvatili raskošnost ove građevine, dovoljan je podatak koji kaže da je izgradnja u to vrijeme koštala 5 miliona otomanskih lira što je ekvivalentno za današnjih 1,9 milijardi dolara. Obilazak obuhvata ulazak sa lokalnim vodičem u rezidenciju i glamurozne prostorije napravljene u rokoko, baroknom i neoklasicističkom stilu. Slobodno vrijeme za uživanje u dvorištu kompleksa kao i slikanje pred čuvenom Bosforskom kapijom.

Ostatak dana je planiran za izlet koji smo nazvali „Ortakoy i Azija“. Autobusom odlazimo do lokacije koja se nalazi na svakoj razglednici Istanbula a to je fascinantni Ortakoy. Prilika da probate specijalitet „kumpir“, popijete kafu ili čaj u baštama sa pogledom na Bosforski most i Ortakoy džamiju. Nakon slobodnog vremena, nastavljamo izlet prelazeći Bosforski most i dolazimo do azijskog kontinenta.

Druga lokacija koju posjećujemo na ovom izletu je Çamlıca džamija, najveća džamija u Turskoj. Završena je 2019. godine, koštala je nevjerovatnih 110 miliona dolara i njena arhitektura je inspirisana radom najvećeg osmanskog arhitekta, Mimar Sinana.

Posjetićemo i čuveni vidikovac/park Çamlıca sa kojeg se pruža nezaboravan pogled na Mramorno more, Topkapi palatu i Aja Sofiju.

Zadnja tačka našeg razgledanja je Djevojačka kula koja krije interesantnu legendu o misterioznoj smrti sultanove kćerke i poruku da se od sudbine ne može pobjeći. Slikanje i slobodno vrijeme na trgu Uskudar, srcu azijskog dijela Istanbula. Povratak u hotel. Noćenje.

5. Dan, (02.01.2023 - Ponedjeljak) MINIATURK – TAKSIM – ISTIKLAL – GALATA TORANJ

Doručak. Nakon doručka slijedi fakultativni izlet u Miniaturk park, prvi park minijatura u Istanbulu, mjesto je gdje se mogu vidjeti monumentalne građevina kultura i civilizacija koje su vladale u Anadoliji i okolo nje. Turska u malom privlači pažnju velikog broja turista iz svih dijelova svijeta. Trenutno je izloženo 126 modela raznih građevina. Među modelima su Aja Sofija, džamija Selimija, tvrđava Rumeli, toranj Galata, kuće iz naselja Safranbolu, manastir Sumela, džamija Kubbet-us Sahra iz Jerusalema, ruševine sa planine Nemrut i mnoge druge minijature.

Od ukupno 126 modela, 59 su minijature iz Istanbula, 55 iz Anadolije, a preostalih dvanaest sa područja u kome je vladalo Osmansko carstvo. U toku jedne godine park posjeti preko 800 hiljada turista

Nakon toga odlazak do trga Taksim koji se nalazi u srcu modernog dijela Istanbula. Obilazak najinteresantnijih lokacija na trgu i oko samog trga koje često budu zapostavljene u turističkim ponudama ali imaju veliku

vrijednost. Obilazak obuhvata: Taksim , spomenik podignut u čast Kemala Atatürka, Gezi park, Istiklal ulicu koja je nazaobilazna kao šoping zona sa velikim brojem kafića i restorana, Galatasaray univerzitet, prelijepu crkvu sv. Ante Padovanskog, čuveni Pera Palace hotel koji je izgrađen za putnike Orient Express voza i za kraj Galata toranj koji je jedan od najvećih simbola obog grada. Slobodno vrijeme za šetnju, shopping i uživanje u gastronomskim čarolijama koje nudi Istiklal ulica. Povratak u hotel. Noćenje.

6. Dan, (03.01.2023 - Utorak) CHECK OUT – SLOBODNO VRIJEME – SARAJEVO

Doručak. Check out iz hotela. Slobodno vrijeme do polaska prema aerodromu. Polazak sa recepcije hotela u 12:30 h. Let na relaciji Istanbul – Sarajevo u 16.45h sa dolaskom u Sarajevo u 14.40 h.

HOTEL	CIJENA ARANŽMANA		
EDITION OLD CITY 4*	ULTRA FIRST MINUTE CIJENA * za prvih 10 uplata	FIRST MINUTE CIJENA * za narednih 10 uplata	REGULARNA CIJENA
	RASPRODANO	890,00 KM	930,00 KM

U cijenu je uključeno:

- ✓ Avionska karta sa kompanijom PEGASUS AIRLINES na relaciji Sarajevo – Istanbul – Sarajevo
- ✓ (20 kg prtljag + 8 kg ručni prtljag) – mogućnost doplate za dodatnih 10 kg prtljaga – 30 EUR
- ✓ Aerodromske takse
- ✓ Transfer autobusom aerodrom-hotel-aerodrom
- ✓ 5 noćenja sa doručkom u dvokrevetnoj ili trokrevetnoj sobi u hotelu Edition Old City 4*
- ✓ Usluge iskusnog pratioca grupe/vodiča tokom putovanja
- ✓ Boravišne takse u hotelu

U cijenu nije uključeno:

- PZ osiguranje sa uključenim osiguranjem od COVID19 bolesti - 2,00 KM po danu (do 60 godina)/ 4,00 KM po danu (60-70 godina)
- Dopлата za jednokrevetnu sobu 350,00 KM,
- Fakultativni (neobavezni) izleti

Fakultativni izleti:

- OBILAZAK STAROG GRADA - 10,00 EUR (uključuje slušalice i usluge vodiča)
- TOPKAPI PALATA - 40,00 EUR (slušalice, ulaznica i usluge lokalnog vodiča sa licencom za muzej)
- SULEJMANIJA, EMINONU, PIERRE LOTI – 20,00 EUR (usluge lokalnog vodiča i prijevoz)
- KRSTARENJE BOSFOROM - 20,00 EUR (vodič i najam broda)
- DOLMABAHA PALATA – 40,00 EUR (slušalice, ulaznica i usluge lokalnog vodiča sa licencom)

- ORTAKOY I AZIJA – 20,00 EUR (usluge lokalnog vodica i prijevoz)
- MINIATURK + TAKSIM - 25,00 EUR (uključuje prijevoz autobusom, ulaznicu za Miniaturk, usluge lokalnog vodiča)

INDIVIDUALNE CIJENE IZLETA	POPUST	CIJENA PAKETA SA POPUSTOM
175,00 EUR	15 EUR	160,00 EUR

VAŽNA NAPOMENA

- Od 01.05.2022. je doslo do porasta cijena muzeja, najma prijevoznih sredstava (autobusi i brodovi) i usluga lokalnih vodiča u Istanbulu. Razlog je trenutno stanje sa porastom cijena goriva na globalnom nivou. Iz istih razloga je i agencija Gaudi Travel primorana na korekciju cijena određenih izleta u odnosu na prethodna putovanja.
- Moguća je promjena rasporeda izleta i njihova realizacija po danima našeg boravka u Turskoj.

VAŽNE NAPOMENE:

- Preporučujemo uplatiti putničko-zdravstveno osiguranje za vrijeme puta i boravka u inostranstvu.
- Za ovo putovanje potrebno je posjedovati BH pasoš sa validnošću od minimum 5 mjeseca od datuma planiranog povratka sa putovanja. Putnici sa stranim pasošima dužni su se sami informisati o uslovima putovanja.
- Organizator putovanja uslijed nepredviđenih okolnosti može promijeniti redoslijed planiranih obilazaka.
- Za sve aranžmane važe „Opšti uslovi putovanja“ PUTNIČKE AGENCIJE GAUDI TRAVEL a koji su usklađeni sa UTABIH standardima.